




Pranuar / Dorëzuar Primljeno / Prodato Received / Delivery	31. 10 2018	viti god year	
Organ./Njësia Organ./Jedinica Org./Unit	Nr.Prot: Br.Prot: Prot.No:	Shtojca Prilog Appendix	Sasia Kolicina Quantity
SKPMHA	6461/2018		114



Republika e Kosovës  
Republika Kosova – Republic of Kosovo

Këshilli i Pavarur Mbikëqyrës për Shërbimin Civil të Kosovës  
Nezavisni Nadzorni Odbor Civilne Službe Kosova  
Independent Oversight Board for the Civil Service of Kosovo

A.nr.589/2018

Këshilli i Pavarur Mbikëqyrës për Shërbimin Civil të Kosovës – Kolegji për shqyrtimin e ankesave i përbërë nga: Malsore Gashi-Bajraktari-kryetare, Gjylinaze Gola dhe Lulzim Aliaj - anëtarë dhe Ardita Perçuku-Shyti-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.589/2018 të datës 17.09.2018 të parashtruar nga ankuesi Elmi Morina me adresë fshati “Turjakë” në Komunën e Malishevës, të cilën me autorizim e përfaqëson Avokati z. Bekim Kryeziu, nga Komuna e Malishevës, kundër Vendimit me numër 01-/286 të datës 07.09.2018 të Komisionit për Zgjidhjen e Kontesteve dhe Ankesave të Komunës së Malishevës, në çështjen juridike “kontestim konkursi”, duke vepruar duke vepruar në pajtim me nenin 16 paragrafin 1, dhe nenin 18 paragrafin 1.1 të Ligjit Nr. 06/L-048, për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 29.10.2018, mori këtë:

V E N D I M

**I. Aprovohet si e bazuar** ankesa A. Nr. 589/2018, e datës 17.09.2018, e parashtruar nga ankuesi Elmi Morina.

**II.Shfuqizohet** Vendimi 01-1286, i datës 07.09.2018, i Komisionit për Zgjidhjen e Kontesteve dhe të Ankesave i Komunës së Malishevës dhe **Anulohet** konkursi i datës 05.06.2018, i shpallur nga Komuna e Malishevës për pozitën „ Drejtor i SHFMU,, Fehmi Agani”, në Turjakë si dhe rekomandimi i datës 25.07.2018,për përzgjedhjen e kandidatëve të suksesshëm.

**III. Obligohet** Kryetari i Komunës së Malishevës dhe Menaxheri i Personelit në Komunën e Malishevës, për zbatimin e këtij vendimi, në afatin prej 15 ditësh nga dita e pranimi të tij.

**IV.** Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Komuna e Malishevës, gjegjësisht Drejtoria për arsim dhe Edukim me datë 05.06.2018, ka shpallur konkurs me numër reference 11/420 për plotësimin e vendit të lirë të punës „Drejtor i SHFMU,, Fehmi Agani”, në Turjakë .

Ankuesi, Elmi Morina, ka aplikuar ne konkursin e shpallur të datës 05.06.2018 sipas formularit për pozitën „Drejtor i SHFMU,, Fehmi Agani”, në Turjakë, në Komunën e Malishevës, i cili ka marrë pjesë në fazën e procedurës nga lista e ngushtë deri ne interviste me goje, si fazë e rekrutimit.

Ankuesi i pakënaqur me njoftimin e datës 25.07.2018, për përzgjedhjen përfundimtare te kandidatit te suksesshëm për pozitën „Drejtor i SHFMU,, Fehmi Agani”, në Turjakë, me datë 31.07.2018, përmes Avokatit Bekim Kryeziu, ka parashtruar ankesë me numër protokolli 11/703 në Komisionin për Zgjidhjen e Kontesteve dhe të Ankesave tek Komuna e Malishevës.

Komisioni për Zgjidhjen e Kontesteve dhe të Ankesave i Komunës së Malishevës, me datë 07.09.2018, ka nxjerr vendim me numër protokolli 01-1286, me të cilën e ka refuzuar si të pa bazuar ankesën e ankuesit Elmi Morina.

Ankuesi, Elmi Morina, i pakënaqur me vendimin me nr. protokolli 01-1286, datës 07.09.2018 të Komisionit për Zgjidhjen e Kontesteve dhe të Ankesave të Komunës së Malishevës, përmes Avokatit Bekim Kryeziu, me datën 10.09.2018, ka parashtruar ankesë përmes Postës së Kosovës, e cila ankesë është pranuar me datën 17.09.2018, me numër protokolli 5348/2018, në Këshillin e Pavarur Mbikëqyrës për Shërbimin Civil, me pretendimet ankimore se procedurat e rekrutimit për pozitën “Drejtor i SHFMU,, Fehmi Agani”, në Turjakë Komuna e Malishevës, është bërë në kundërshtim me Ligjin për Shërbimin Civil dhe aktet nënligjore në fuqi, nga Komuna e Malishevës.

Këshilli i Pavarur Mbikëqyrës për Shërbimin Civil, me datë 01.10.2018, me numër protokolli 5610/2018 ka dërguar kërkesën për përgjigje në anekse tek Komuna e Malishevës ndërsa me datën 12.10.2018 me numër protokolli 5963/2018, Këshilli ka pranuar përgjigje në ankesë nga Komuna e Malishevës, me shkresat e bashkangjitura.

**Kolegji për shqyrtimin e ankesave ka administruar këto prova:** Ankesën me numër protokolli 5348/2018 e datës 17.09.2018 e parashtruar nga ankuesi në Këshillin të Pavarur Mbikëqyrës për Shërbimin Civil të Kosovës; Autorizim i datës 30.07.2018; Vendim i datës 07.09.2018, me numër Nr.01-/286, i Komisionit për Zgjidhjen e Kontesteve dhe Ankesave; Ankese e ankuesit e datës 31.07.2018, me numër 11/703, drejtuar Komisionit për Zgjidhjen e Kontesteve dhe Ankesave; Konkursi i datës 05.06.2018, me numër Nr.11/420; Njoftim për kandidatet e suksesshëm për drejtor te shkollave i datës i datës 25.07.2018, me numër Nr.11/515; Formulari i aplikimit për punësim i ankuesit me shkresat e bashkangjitura; Përgjigja në ankesë e datës 04.10.2018; Kërkesa për punësim e kandidatit Agron Zogaj e datës 18.06.2018, me shkresat e bashkangjitura; Njoftim për Këshillin e shkollës për mbajtjen e intervistës për drejtor shkolle i datës 12.06.2018; Njoftim për mbajtjen e intervistës për drejtor shkolle i datës 08.06.2018; Qarkore e datës 20.07.2018; Aktvendim i datës 22.06.2018; Formulari H; Formulari E; Lista e aplikacione te pranua me kandidatet konkurrues; Udhëzim administrativ i MASHT nr.08/2014; Formulari i aplikimit për punësim i kandidatit Aziz Avdiu i datës 18.06.2018, me shkresat e bashkangjitura; Formulari i aplikimit për punësim i kandidatit Sokol Paqarizi i datës 18.06.2018, me shkresat e bashkangjitura;

Kolegji për shqyrtimin e ankesave, për vendosjen e kësaj çështje ka shqyrtuar të gjitha shkresat e lëndës të parashtruara nga palët dhe ka konstatuar se ankesa e ankuesit Elmi Morina, është e bazuar, sepse:

Kolegji për shqyrtimin e ankesave ka konstatuar se pretendimet ankimore të ankuesit janë të qëndrueshme, lidhur me pretendimet se procedura e rekrutimit e zhvilluar për vendin e punës „Drejtor i SHFMU,, Fehmi Agani”, në Turjakë është bërë në kundërshtim me dispozitat ligjore në fuqi Ligjit Nr. 03/L-149 për Shërbimin Civil të Republikës së Kosovës, Rregulloren 02/2010, për Procedurat e Rekrutimit në Shërbimin Civil, dhe Udhëzimit Administrativ Nr. 08/ 2014 për Procedurat dhe Kriteret e Zgjedhjes së Drejtorit dhe të Zëvendës drejtorit të Institucionit Edukativo Arsimor dhe Aftësues.

Kolegji për vëzhgim, ka shqyrtuar të gjitha shkresat e lëndës të parashtruara nga palët dhe ka konstatuar se Komuna e Malishevës, me datë 05.06.2018 ka shpallur konkursin me numër reference 11/42, për pozitën „ Drejtor i SHFMU,, Fehmi Agani”, në Turjakë, mirëpo Komuna e Malishevës, këtë procedure te rekrutimi deri ne përzgjedhjen e kandidatit te suksesshem e ka zhvilluar pa e njoftuar Këshillin e Pavarur Mbikëqyrës për Shërbimin Civil, për te vëzhguar këtë pozite, pasi që është pozite e nivelit drejtues, ashtu siç është përcaktuar me dispozitat e nenit 16 të Ligjit Nr. 03/L-192 për Këshillin e Pavarur Mbikëqyrës për Shërbimin Civil të Kosovës dhe nenit 3 paragrafin 1 dhe 3 të Rregullores Nr. 01/2015 për Rregullat dhe Procedurat e Vëzhgimit për Emërimin e Nëpunësve Civilë të Nivelit Drejtues i cili përcakton se: „1.“Çdo institucion i administratës publike i cili fillon procedurën e rekrutimit për emërimin e nëpunësve civilë të nivelit drejtues është i obliguar që brenda pesë (5) ditësh nga momenti i publikimit të shpalljes së konkursit, të njoftojë Këshillin e Pavarur Mbikëqyrës për Shërbimin Civil të Kosovës për fillimin e procedurës së rekrutimit” 3. “Nëse zhvillimi i procedurës për emërimin e nëpunësve civilë të nivelit drejtues, bëhet pa njoftim të Këshillit për pjesëmarrje në vëzhgim, Këshilli e anulon procedurën si të pavlefshme”. Duke marre parasysh se e gjithë procedura e rekrutimit është zhvilluar para hyrjes në fuqi të Ligjit Nr. 06/L -048 për Këshillin e Pavarur Mbikëqyrës për Shërbimin Civil të Kosovës, Këshilli ka zbatuar dispozitat e Ligjit të vjetër Nr. 03/L-192 për Këshillin e Pavarur Mbikëqyrës për Shërbimin Civil të Kosovës për këtë çështje .

Kolegji për shqyrtimin e ankesave, po ashtu ka konstatuar se Komuna e Malishevës me datë 05.06.2018 ka shpallur konkursin me numër reference 11/420 pa e marr autorizimin nga MAP/DASHC për plotësimin e vendit të lira të punës „Drejtor i SHFMU,, Fehmi Agani”, në Turjak, me ç’rast ka vepruar në kundërshtim me nenin 15 paragrafin 4 të Rregullores Nr. 02/2010 për Procedurat e Rekrutimit në Shërbimin Civil, që është përcaktuar se: “Procedurat e rekrutimit, të cilat zhvillohen pa publikimin e shpalljes së rekrutimit, ose të cilat janë zhvilluar në rastet kur shpallja nuk është aprovuar nga MAP-i janë të pavlefshme”.

Kolegji për shqyrtimin e ankesave ka konstatuar se Këshilli i Pavarur Mbikëqyrës për Shërbimin Civil të Kosovës më datën 21.09.2018 e ka dërguar kërkesën për përgjigje në ankesë tek Komuna e Malishevës, ku në mes tjerash ka kërkuar edhe autorizimin për shpalljen e konkursit nga DASHC/MAP, mirëpo Komuna e Malishevës në përgjigjen në ankesë të datës 04.10.2018 nuk ka sjell asnjë provë që vërteton se Komuna ka pas autorizimin për shpalljen e konkursit të datës 05.06.2018 me numër 11/420 për pozitë për Drejtor të SHFMU dhe Drejtorëve të SHML. Andaj për tu siguruar lidhur me këtë çështje, Kolegji për shqyrtimin e





ankesave me date 08.10.2018, ka kërkuar informate zyrtare nga DASHC/MAP, lidhur me sqarimin dhe vërtetimin se a ka pasur kërkesë për shpallje nga ana e komunës së Malishevës dhe nëse ka pas kërkesë a është miratuar autorizimi për shpalljen e konkursit për këto pozita. DASHC/MAP me datë 19.10.2018, përmes e-mailit ka njoftuar Këshillin se: „ **nuk ka marrë aprovim për konkursin në fjale, dhe po ashtu Komuna e Malishevës edhe për drejtor të shkollave tjera nuk ka marrë aprovim në DASHC.**”

Kolegji për shqyrtimin e ankesave, pasi ka konstatuar këto shkelje nuk është lëshuar në trajtimin e mëtejme të lëndës dhe ka marrë si rrethane vendimtare këto dy shkelje për aprovimin e ankesës.

Kolegji për shqyrtimin e ankesave, ka konstatuar se Komisioni për Zgjidhjen e Kontesteve dhe të Ankesave i Komunës së Malishevës, me nxjerrjen e Vendimit numër 01-1286 i datës 07.09.2018, ka vepruar në kundërshtim me dispozitat e Ligjit Nr. 03/L-149 për Shërbimin Civil të Republikës së Kosovës, Ligjit Nr. 05/L-031 për Procedurën e Përgjithshme Administrative dhe Rregulloren Nr. 05/2011 për Procedurat e Zgjidhjes së Kontesteve dhe Ankesave, sepse nuk ka vërtetuar drejtë gjendjen faktike dhe bazën juridike.

Në rast të mos zbatimit të Vendimit të Këshilli, nga personi përgjegjës i përcaktuar në dispozitiv të këtij vendimi, Kryetari i Këshillit ndërmerr veprimet në pajtim me nenin 21,23, dhe 24 të Ligjit Nr. 06/1-048 për Këshillin e Pavarur Mbikëqyrës për Shërbimin Civil të Kosovës, duke aplikuar edhe „**ndalimin e 50 % të pagës mujore për personin përgjegjës, deri në zbatimin e vendimit të Këshillit**”.

Andaj bazuar në këto rrethana, Kolegji për shqyrtimin e ankesave pas analizimit dhe vlerësimit të të gjitha shkresave të lëndës dhe provave të ofruara nga palët, si dhe duke u bazuar në kompetencën e Këshillit, vendosi si në dispozitiv të këtij vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

*Këshilli i Pavarur Mbikëqyrës për Shërbimin Civil të Kosovës*

*Lënda A. nr. 589/2018*

**Malsore GASHI-BAJRAKTARI**

*Kryetare e Kolegjit*



**Ardita Perçuku-Shyti**

*Procesmbajtëse*

**Vendimi i dërgohet:**

- Përfaqësuesit të ankuesit Avokatit Bekim Kryeziu;
- Kryetarit të Komunës së Malishevës;
- Udhëheqësit të Personelit në Komunën e Malishevës
- Arkivit të KPMSHCK-së

